

JKP «VODOVOD I KANALIZACIJA»
T U Z L A

Broj: 831/04
Tuzla, 13.04.2004.

Na osnovu člana 19 Statuta JKP «Vodovod i kanalizacija» Tuzla i Odluke o kriterijima i uslovima utvrđivanja novčane naknade za obezbjeđenje angažovanog kapaciteta za priključivanje novih korisnika na vodovodnu i kanalizacionu mrežu («Službeni glasnik Općine Tuzla» br. 2/2004) Upravni odbor JKP «Vodovod i kanalizacija» Tuzla na sjednici održanoj 13.04.2004. godine donosi

O D L U K U

o visini naknade za obezbjeđenje angažovanog kapaciteta za priključenje novih korisnika na vodovodnu i kanalizacionu mrežu i ostalim uslugama JKP «Vodovod i kanalizacija» Tuzla

Član 1.

U cilju obezbjeđenja sredstava za unapređenje postojećih komunalnih objekata i uređaja u oblasti vodosnabdjevanja i odvođenja otpadnih voda ovom Odlukom se utvrđuje visina naknade za obezbjeđenje angažovanog kapaciteta za priključenje novih korisnika na vodovodnu i kanalizacionu mrežu, a u skladu sa Odlukom o kriterijima i uslovima utvrđivanja novčane naknade za obezbjeđenje angažovanog kapaciteta za priključenje novih korisnika na vodovodnu i kanalizacionu mrežu.

Član 2.

Naknada za obezbjeđenje angažovanog kapaciteta za priključenje novih korisnika plaća se za individualne stambene objekte, kolektivne stambene objekte, stambeno poslovne objekte i poslovne objekte.

Član 3.

Za priključenje korisnika na sistem vodosnabdjevanja i odvođenja otpadnih voda podnosi se zahtjev putem ovlaštenih fizičkih i pravnih lica JKP «Vodovod i kanalizacija» Tuzla u skladu sa odredbama Odluke o vodovodu i kanalizaciji na području Općine Tuzla.

Uz zahtjev se prilaže projektna i ostala dokumentacija iz koje se može utvrditi potreban angažovani kapacitet.

Član 4.

Osnov za obračun naknade za obezbjeđenje angažovanog kapaciteta je potrebna količina pitke vode izražena u m³, odnosno lit/sek.

Član 5.

Naknada za obezbjeđenje angažovanog kapaciteta za priključenje objekata na vodovodnu mrežu iznosi:

- a) za individualni stambeni objekat i stambenu jedinicu u kolektivnom stambenom ili stambeno poslovnom objektu
 $0,200 \text{ m}^3/\text{čovjek/dan} \times 4 \times 30 \times 20 = 480,00 \text{ KM}$

- b) za objekte obrazovanja, đачke domove, zdravstveno socijalne organizacije, objekte kulture i fizičke kulture za 1 lit/sek
 $\frac{480 \times 86.400}{200 \times 4} = 51.840 \text{ KM}$

- c) za privredne i poslovne objekte za 1 lit/sek
 $\frac{0,200 \times 4 \times 40 \times 30 \times 86.400}{200 \times 4} = 103.680,00 \text{ KM}$

Član 6.

Naknada za obezbjeđenje angažovanog kapaciteta za priključenje objekata na kanalizacionu mrežu iznosi:

- a) za individualni stambeni objekat i stambenu jedinicu u kolektivnom stambenom ili stambeno poslovnom objektu
 $0,200 \text{ m}^3/\text{čovjek/dan} \times 4 \times 30 \times 10 = 240,00 \text{ KM}$

- b) za objekte obrazovanja, đачke domove, zdravstveno socijalne organizacije, objekte kulture i fizičke kulture za 1 lit/sek
 $\frac{240 \times 86.400}{200 \times 4} = 25.920 \text{ KM}$

- c) za privredne i poslovne objekte za 1 lit/sek
 $\frac{0,200 \times 4 \times 20 \times 30 \times 86.400}{200 \times 4} = 51.840 \text{ KM}$

Član 7.

U uslovima plaćanja naknade za obezbjeđenje angažovanog kapaciteta za priključenje novih korisnika na vodovodnu i kanalizacionu mrežu zaključuje se pismeni ugovor.

Član 8.

Cijena montažnih radova na priključenju objekata na vodovodnu mrežu utvrđuje se zavisno od profila vodomjera koji se ugrađuje i iznosi:

- za vodomjer 1/2" i 3/4" 80,00 KM
- za vodomjer 1" 100,00 KM
- za vodomjer 5/4" i 6/4" 200,00 KM
- za vodomjer 2" 300,00 KM
- za vodomjer 3" i više 400,00 KM

Član 9.

Cijena montažnih radova na priključenju objekata na priključni šaht ili kolektor kanalizacione mreže utvrđuje se zavisno od profila priključnog cjevovoda i iznosi:

- priključni cjevovod do Ø 150 mm 80,00 KM
- priključni cjevovod od Ø 150 do Ø 250 250,00 KM
- priključni cjevovod od Ø 250 do Ø 350 480,00 KM
- priključni cjevovod veći od Ø 350 620,00 KM

Član 10.


Pri priključenju novih korisnika na vodovodnu i kanalizacionu mrežu korisnik snosi troškove nabavke materijala i mjernog uređaja, obezbjeđuje iskop i sanaciju svih iskopanih površina.

Član 11.

Ova Odluka primjenjuje se od dana usvajanja na Upravnom odboru JKP «Vodovod i kanalizacija» Tuzla.

Član 12.

Danom donošenja ove Odluke prestaje da važi Odluka o visini naknade za obezbjeđenje angažovanog kapaciteta za priključenje novih objekata na vodovodnu i kanalizacionu mrežu i ostalim uslugama JKP «Vodovod i kanalizacija» Tuzla koji je donio radnički savjet preduzeća kao nadležni organ 05.06.1990. godine



Predsjednik
Upravnog odbora

J. Isaković
Isaković Isak